

吳學士詩集

吳學士詩集卷二

番禺梁肇煌檀圃編訂
全椒薛時雨慰農

七古

醉竹辭爲家穀人師作

二十日來雨不止竹枝委地如流水人未觴竹竹已酣離披態
與酒人似祭酒好客良宴新前日飲竹今飲賓竹誕壽竹以詩
侑坐客觴滿無斯人古人已道此君好卻未深杯其傾倒惜哉
三百有六旬一年一日醉時少醉日已少何可辭舉觴呼友兼
呼師君家之葉足家釀倘能酬我甘歡歡人言移竹待竹醉竹
醉渾忘遷異地可憐世俗誇常醒一身萬里甘鷓鴣祭酒種竹
能護持竹醉不許他人移此意不言惟竹知竹去無人同此厄

我在公門慚玉筍酒場往往同萍梗醉歸雷雨又齊來夢見故園新攄影

題文姬歸漢圖

班氏蔡氏兩才女一適士人一從虜大家終續父兄書中郎絕

筆何時補李家蔡家兩文姬

李固女見范史本傳

一存弱弟一棄兒破巢

完卯信快事胡雛抱頸何其悲卻倚曹瞞費金璧父子徇知皆

漢賊賜書休問四千篇變調先傳十八拍笳聲略勝琵琶聲朔

漠竟有家來迎明駝直指故鄉送快馬又乞新人生

此用救董祀事家既

迎兮當歸圖托命於新人皆悲憤詩中句也

畫工偏寫塵沙色

毳幕羶漿惜離別春

風識面鬢先秋

韋莊詩明如去日花應笑蔡女歸來鬢已秋

歸國傷心如去國歸去

兩章悲憤詩讀者誰題黃絹辭胡中二子當無恙可似蘇卿歸

漢時

題黃山圖

京口張君好游聞其弟道黃山之勝卽命駕往歸持此圖索題

看山如讀書讀書讀未見門前兩點金
焦青去之欲識黃山面作畫如作文
境得未有君身未到天柱峯令弟黃山
先入手仙人曹阮今有無入山不爲黃
精腴大叫山靈放雲海爲我胸中益光
怪歸來一領黃山雲寫入新詩萬靈在
靈山小別幾春風日對征塵眯目紅乞
與臥游峯廿六我家本住此山中

梅瞿山消夏十二景畫冊中有夢雪一
幅意境幽冷同人盛暑小集擬賦明湖
夢雪詩以解熱懷

舊游曾泛明湖月新圖突見寒山雪何
必陰崖六月霏雪如天山試寫清涼之
界祛炎熱聰明冰淨胸無塵夢魂夙與
湖山親

逃暑何處睡鄉有冷然一境屑玉而鋪銀醒來清絕思擁被赤
日已催炎氣至寒暑異撰非天時丹青幻想偶得之少陵思爲
寒水玉我欲乘風訪滕六門西白蓮千朶如薝蔔且向湖邊伴
鷗宿

鄰賣婦

生女字人笄未及呼媒往催娶婦亟朱陳村近皆無禾婿家多
收豆三石饑驅弱女難扶將早與君家爲養息奩資聘錢兩無
責但索粗布三十尺爲兒裁得袴與裙妝成誇兒好顏色貧家
生女性亦嬌呼兒出門兒嚶啁阿爺忍淚背兒走兒大終當侍
姑舅兩小無猜豆粥分兒歸婿家腹不負但祝明年年大有爺
娘得歸近相守兒歸婿家本兒偶不見鄰家昨賣婦

揚州顧孝子 樞像

母冀甘兒請死兒甘代死母或起兒心甘死兒心苦母冀亦苦
神所輔避人嘗冀人不知甘苦自知神鑒之母冀雖苦兒所甘
黔冀一嘗君再嘗母病已瘳疫又至母子同病甘同亡兒病藥
餌誰奉母兒死大事誰代當思之痛劇忽躍起病軀黽勉登母
床兒是孤童絕生理半生歡笑爲母喜今又無母更何倚願與
哭聲爲終始伸紙字字皆劬勞詩成淚盡呼天號未讀君詩拜
君像面無歡顏泣如曩孝子雖死顏猶生鮮民如我空失聲

六月十二日朱黃文節公生日招客精進心庵瞻禮遺像
會者二十四人以集中再贈高子勉之第三首句法俊
逸清新詞源廣大精神建安才六七子開元數兩三人

分韻賦詩余得才字

玉皇舊吏金華客六十一年謫塵埃昌黎眉山困磨蝎公遭巧
譖何爲哉中朝門戶不可破贈言勸包新舊才醫國苦心化畛
域貞華絕等終見猜失意不擲待榜杯知已能惜棄路梅道行
豈惟稱書殿供答太顙真黨魁忠孝平生師友其詩派不嫌生
面開集中名字要矜慎聞教師門成禍胎今人千金買片楮當
時石碎達觀臺阿舅深慚漢景毅文士畏事名甘埋七百年後
對凍雨鞭鸞終日吾肯陪昌黎詩上界真人足官府豈如謫居
散仙鞭笞鸞鳳終日相追陪三徙受逼迫罡風百撼豫章摧千秋萬古真榮在星斗夜明文
字堆仲連太白句中麗吟咏不與管樂灰太白詩吟咏思管
樂此人已成灰綴
公硬語勸公酒初度公倘騎箕來

聽藹之先生彈琴

長安冠蓋填九陌眼中十年無此客揚州塞耳琶與箏耳中兩

年無此聲此客此聲何處有練川官舍舟停久

時客盤齋幕中

白髮江

湖耆舊存青春風月心神守風月無邊屬寓公倦游我亦返江

東聽雨連床尋昔約閒邀老子譜松風一彈欲作雲海戲再彈

已夢故山翠宦蹤如寄客蹤浮三處買田何日事

兼謂盤齋

楊米人

昶

宰武邑歲早有老農能祈雨累几爲臺誦經其

上三日雨作爲圖來索詩

雨來失時農失食龍公不職宰官職宰官仁術無不有神通獨
少樂巴酒書傳繁露且封牲祀到靈星難鄭斗黃冠老人從何
來玉皇假手驅風雷萬九千里去天咫精誠夜燭光明臺佛書

半是六朝作祈雨之經又何託我知老農非誦經但陳善政爲
乞靈靈壇拜跪亦循例清夜之語天曾聽天聽甫過雲四塞走
野回天真有力觀津城郭眾綠生萬家黍谷回春色歸來但覺
吟詩寒官齋醴薄如貧酸潔后爭勸老農醉那知十日官忘餐
一人忘餐一城飽愛人活人無謬巧老農休誇汝術奇請農更
爲他人祈

題慶蕉園方伯泛月理琴圖

昨宵同泛虎邱月二更酒停月初沒天工似有寂寞愁陡遣風
雷半空發歸來我欲寫朱絲十指如椎琴拒之計日滄浪有幽
約閉門且養神支離襍襪不來涼雨足午夢初回坐新綠卅載
江湖跡易陳山川佳處留心目遠游未遂游君圖圖中月色連

宵無仙人美人分占湖山皆第一何況明月無私照徹兩不殊

此調停簡齋述庵兩先生之說

相門才子自文弱那知殺賊海上巨艦曾擒渠

功成自勞一杯酒海氛掃盡孤魄偏模糊

君言海中不宜月以霧多也

八月

十六夜中秋已過月圓猶可呼島邊破廨無庖廚一瓜一餅酒

一壺臨海席地尙獨醉何況葛仙所宅真元都何況石城湖水

千秋尙姓盧可使兩地良夜清景成亡逋放眼東南選奇概官

貧一桐不肯賣晦明風雨易遷移寫入丹青光不壞圖中風月

何日同追尋從君琴舫香界深幽蘭滿室客無語更端未問請

奏太古音君曰我不能琴知琴心蓮池立雪有遠子手揮一闋

清風生我襟桐陰影正竹鳴歇正如江波

靜細聽潛虬吟幽

情古意內觀足清香燕寢何必非山林此時舉酒更相屬我不

能琴歌代曲掃卻機心狎白鷗歌成豪士友黃鵠黃鵠翬霄秋
雨晴我率諸生歌鹿鳴鼓琴桂海酬吹笙大和小亮中聲平士
喜天可階農悅歲有成請君坐倚蓬窗聽半是琴聲半政聲

訪舊白門寓淵如五松園邢醴泉以姚先生姬傳書元遺

山題赤壁圖詩索跋次韻書尾

倦禽借樹林亭空故人八年馬首東猿驚鶴怨誰慰藉暗泉響

咽停琤琮

方夔詩飛雪六月聲琤琮

眼明一卷天門龍生氣落紙來如風知

公人書老並健臨池波照雙頤紅書家趙董久絕迹肯爲虞褚

留筆蹤請獎

退文正公

文正曾面請於尚奔競前詹事錢大昕侍講梁同書

郎中姚鼐皆以文受知先帝梁又宰相子並能辭榮退居以

文行式其鄉請與加銜以風示儒林尚廉讓抑澆俗今文正卒

已五年侍講郎中次第

拜

恩惟少詹早逝耳

新恩疊出明光宮身退報國用經術恥

與小儒爭異同我侍杖履秋光中邂逅前輩得兩雄

兼謂歐北先生亦在

下扁舟歸省倘清健執經同君事惜翁

題巴畬籍小照

十年不與君往還喜君猶在天地間君本善病又耽古搜奇容
易凋朱顏天要金石得所主歐趙缺畧尤須補聞說窮愁乃著
書俾君不作侯千戶君之平生愛友生一語投契千鈞輕流水
明月自今昔俗物匱足搜高情三間老屋萬山裏老與梅花作
知己繁枝亂插古玉瓶暗香冷浸上池水客來忽作羅浮游夢
醒月上山西頭安得美人會歌舞不教寒鳥徒啁啾往者高軒
踐蓬室我翁度曲君吹笛堦前十畝荷花田紅衣舞應歌聲側
別來我翁霜鬢新只緣苦作倚閭人寄語訊君還憶否屋梁落

屑成前塵我憶從君邦江沚當時賓客皆奇士汪君頭甫大叫邵
君二雲先生哈苦爲古今爭故紙君今倦遊歸治經我行尙作風中
萍偶然一葉到黃海携尊重過子雲亭蒼然雙鬢今如故生面
何人寫縑素好與千秋小學家辦香直當黃金鑄

題王鶴嶼移居第二圖

歲赤奮若其月涂我從秦郡歸鄭湖朔風沿途破野屋三重茅
走如漂蘆甫入東門見新宅締構頗與他家殊屋雖不大若山
穩風雨已蔽煙霞俱下馬私暱故人出邀我入門飲百壺告我
移居日示我移居圖社中老蒼及同輩題詩纍纍穿珍珠索我
走筆續貂尾我時口澀一字無願以異日竭心力此諾旣宿心
踟躕雙丸一擲七年矣與君同泛姑孰水殘杯冷炙三五人燈

前各道故園美有客知君鄉思多放筆丹青肯虛擬林泉尺幅
狀幽居囊書載鶴懷初徙紙上居然屋數間夢中莫恨家千里
浮嵐在戶山當門坐客彷彿登高軒我家亦在襄水上水西十
畝如荒園坐撫斯圖重太息君之新居我舊宅尙憶吾家全盛
時崇臺高第連雲碧東門聚族比屋居如禾並穎田連陌燕子
重來失舊巢舊時門巷成陳迹綺羅笙管化蒼煙第宅彫零年
未百故人買得一椽居軒楹重庀五車籍我親黽勉守敝廬蓬
蒿三徑仍如昔心希兒子大門閭誰知老作諸侯客比來厭陟
棄城居鹿車同有看雲癖雞豚數罷立柴門斜陽尙得歸林翮
願君努力致青雲高閣駟馬門前策我且歸耕百畝田安能鬱
鬱爲人役君若山中訪草堂下車更著登高屐

題某節婦事

姑早喪子如有子兒非所生如所生紡績易食甘旨足立嗣教
之兒有成兒大思報劬勞德如烏哺畢飛且鳴鳴於長官請得
旌吾友爲政發潛隱謂琴塢太守鋪陳苦節詳且明松心貞井水平
節婦茹苦非求名疾風已過天日晶請看綽楔千秋榮

題畫

父捉魚兒沽酒長安人知此樂否黃塵撲面十三年辜負門前
五株柳

題汪月樵萬松堂觀月圖次芸臺師韻

一場春夢徒朦朧十年泛宅如萍蓬松月相逢不我詫此景久
落吾胸中應官聽鼓閒情少熱場誰肯名心槁詎知此客抱冬

心十載揚州詩境老詩情入夢非人間說與同官應絕倒其時
把詩呼月住歲寒月下無雜樹雜樹且無况外人出山值我還
山路

題女史白飛卿畫花卉

咄哉丈夫不自立乃以采筆累巾幘巾幘之中有丈夫逢時那
肯恃顏色萬里奔走千金身冰心冷面吹氣春見者不敢作綺
語但請試寫羣芳真寫出花容真自寫葉葉枝枝皆大雅東皇
不敢借東風筆底胸中有爐冶鼓鑄春光下筆奇畫中有句非
題詩偶爾題詩亦清絕慧心百出無人知不求人知應人乞誰
信巾幘有此筆千紅萬紫儘人看可知紙上芙蓉泣

題張二桐琴

行看子

畫攜斗酒乘槎海中

幾人真到星宿海胸中自有歸墟在身行萬里習風波更酌滄
溟澆磊塊酒空天空潮去來浮雲富貴雙丸催不知斗與海孰
大酒懷畧爲扶桑開二桐獨抱桐材古七絃彈罷蛟龍舞斗邊
劍氣迎客星煙霧之中一巢父瓊樓玉宇高處寒天風引去當
知還老我蕭蕭鬚髻改怕隨春夢到神山

題汪邸中浣雲濯足萬里流圖爲陳理堂同年作

人海何處濯吾足倦游披圖翻一哭後先同舉三少年

浣雲爲
子丙午

同誰把山邱換華屋陳君才調今太沖名途不得乘長風戰罷
忽作滄洲想廓如列宿羅心胸胸中萬象無不有兩足卻踐軟
紅久定須洗滌借鴻流好踏雲霞摘星斗客居汪子同長安爲
請下筆成奇觀奇境恂恂意蕭遠畫筆清絕無波瀾其時月落

日未上島嶼空濛獻清曠雙眸秋水無洪纖滄溟滄浪真一樣
我昔假羽游陽阿蓬萊頂上容清哦豈有天風引舟去春夢一
覺愁風波波定惟飲上池水空明似見兩君起一騎謫仙捉月
鯨一乘琴高上天鯉

六月廿一日與客賞荷酒後放歌

今年雨多水漫溢荷花開處無精神十枝五枝畧可數葉大花
矮絀不伸正如新婦羞見客濃施朱粉嬌含顰又如初學作詞
賦避人自嫌徵材貧寓館花神大着力千枝卓犖高軼倫丹葩
艷艷赤日午香氣郁郁清露晨主人召客共奇賞客曰花是君
前身從古直幹皆有鄰素心可證松悅柏前盟未沫鷗難馴先
生傲骨原嶙峋斯花濯濯亦君子荃心蘭臭同絕塵湖山勝處

作花主斯地斯花宜斯人又誇詞翰鮮如春刻畫絢爛愁鴻鈞
梅嶺山小金篠園與霞浦桃花庵止供俗眼攀折頻好花擇地發詩

思擬博奇筆爲寫眞主人謝花兼謝客自謂才盡思不新四坐
行酒亟索句酒行未畢一客嘖大聲罵坐坐復起主人失杯不
敢呻花神暗睨驚不已此間安得有惡賓怒者出門譽者進前
旨未畢請復陳君不見木蘭秋菊共餐飲薺菜詈予方申申薰
猶十年各臭味悠悠行路徒狺狺又不見天魔能使七寶震蓮
臺說法容波旬醉鄉寬大擬佛宇我交公瑾如飲醇斜陽花色
更煥麗人方相怒花相親

秋日館湖上題劉文清公梁山舟學士王夢樓太守三君

書長卷

秋高露氣浮空清
秋澄湖光如鏡平
手持妙蹟對湖賞
湖光墨

色相與明卷中三君我識二太守
最先相公次太守知我未第

時得第相公門下厠

文清公為鼎已未殿試座師

惟有學士無一面隔面知

心恃文字文正文清良弓箕立朝崛強文嶽寄餘事作書高位

置鍾王以下非吾師地高索書頗不易惟予求取初不悲扇上

蠅頭觀物詩燈前老筆醇兼肆

嘉慶壬戌公又為殿試讀卷官蘇司收掌以扇乞書公於文華

殿後房燈下為作小楷書所作

雍門琴忽能泣人又捧此卷心

酸辛公為河嶽為星辰便論藝事走百神太守少年曾蹈海大

難不死有真宰要留此君傳八法驚定腕橫筆有彩余識太守

年甫冠怒濤聲中試柔翰零丁末坐初生桐公已潛然惜琴瑟

當年二十有三游焦山初識夢樓先生命作焦山聽潮歌大加賞異贈楹帖云坐中齒弱才無敵海上詩成句有神然爾時已

五試有司不遇先生瀛洲風定依後塵代言得士誇眾賓先生觀閣中藝婉惜尤至

譙談次問肅派衙三世交成如遇客卅載清游駒越隙昔時年

門撰文誇得人少今頽翁收藏怕見况真迹先生身後鑑藏零落人學士亦是

相公子勇退為戀西湖水可憐竟無握手緣人生會合良有天

蹤跡親疏同一哭嗟我何人許坡谷庚申余以後進禮謁學士於杭州里第學士方以病

謝客旋為余書岐亭詩附書云於三公臨池自矜重太璞恥向

題襟集中見大作以為今之坡谷紅塵貢君從何處網奇珍我慶眼福悲亦中文章氣誼空千秋

南北華屋均山邱還君此卷三太息西風湖水方東流

題秋林圖

淮南一雨千家春公為吾侯吾部人看花每誦東閣句載酒屢陪西園賓江東一雪千山白君役王程我在客清官虛齋如水

明堆案繽紛止羣籍春風示我秋林圖津門楊柳何蕭疏茅屋
三重障秋雨分明少小窮經廬駢文自跋讀初竟愛古平生如
性命一篇萬遍坐秋根夜黑無燈珪月映卽今種花江上城放
衙捧卷猶書生尙憶做廬邇冰署時時聞公絃誦聲清時良吏
如林立後車幾人載書笈到官夢不到名山黃卷黃綾不相及
世間嗜好難並論侯鯖滿前懷萊根公身在官神獨往清香畫
戟如蓬門我學未成身長寄青眼負公憐才意何當爲公作書
記秋雨鶴廳問奇字

題沙塘祠屋手卷爲韓桂舫同年作

沙塘祠屋巋然存儒者輔世先本原推恩所生厚旁治况加封
樹由家尊家尊修墓余修廟俎豆重馨奉庭誥秋水吳江自薦

尊說與兒孫清德報兩朝三長春秋官
謂數堂元少兩宗伯及公也君子貽
穀同不刊丹青壽世由清白莫作唐家系表看

洪母董宜人七十壽詩

北宋氣節光相門西漢經術開治源兩家貽穀千秋存門範聞
範名家尊夫人淑質內則敦少事廉吏禮自藩政勦清白羞蘋
繁婦德能嗣文筆醇閭內井井靜不喧夫子眾母多仁恩夫人
猶能述平反但課蠶織刪瑣煩臧僕頌德無間言歸新安後治
田園分食眾飽推裘溫施於宗族周嫺婚里郇緩急感手援陰
德貽子又貽孫三瑞堂前蘭有蓀其季吾友風誼惇文采郁郁
霞軒軒何以顯親高科掄請晉康爵視鳳騫

題宜興李氏三忠事蹟考證後

客魏一禍馬阮繼明祚久數桓靈終永明建國僅餘喘據海作
市徒匆匆殘棋一角那可補末著况又無英雄巢傾卵破知幾
姓一邱狐貉隨秋蓬其中風節得三李至今化碧干長虹中丞
銜命始東粵下車一怒威黎峒星輶宣諭入丹徼方物遠貢來
蠻竇羣妖成虎正突檻悍將如馬思彎弓韓盧冀可一噬效印
刳惜不眞王封一州五府自提挈天意直欲身彌縫大兵十萬
踰嶺嶠掃蕩羣醜如撥蠅青頭一戰鼓聲死隻身走入靈山中
投尸久分同白馬賣塞但恨如盧龍沈池十步乃死所波濤尙
捲厓山風繼公志者有公弟置身早貢明光宮銅駝眼見棄荆
棘鳳池縱到空簪彤自辭鸞掖監諸道誓裹馬革膏羣鋒虎貔
屢抗走蠻觸猿鶴倏化隨沙蟲古來兄弟殉國難常山乃有平

原公是時中原無寸壤小朝托命依安隆孫恩但解辦作賊驕
恣自謂惟其功劫遷始學催汜計禪授潛躡操莽蹤桓桓御史
激義憤趣召西府僉謀同除狼得虎亦權計譬鷗逐雀無姑容
衣帶有詔事不密推刃喋血無遺萌成仁同日馬場死雷雨晝
晦生虛空桃僵李代姓名易海枯日爛精誠通革除事往二百
載一家照耀光熊熊嗚呼有明末造天所壞元黃血戰徒洶洶
識時豈不號俊傑欠死毋乃羞凡庸聖朝覆載比天地賜諡一
一褒愚忠三臣不幸典獨闕賴有賢哲勤誦詞要當寬大罔忌
諱見聞乃得搜羅供闡幽會見盛典補穹碑他日重磨礪

永和銀杏詩

并序

揚州權署廳事東偏有銀杏一株枝榦較古乾隆甲辰

上谷王君均官於此爲文誌之云樹之神見夢自謂種
於晉永和十年三月三十日酉時異哉夫以人生年月
日推壽算福澤始唐李虛中書見昌黎文中豈樹生數
百年前預知後世星士書有所謂八字者乎今姑以史
鑑紀年考之晉永和十年甲寅距今嘉慶庚辰凡一千
二百八十年夫永和中晉道已衰內則強臣跋扈外則
羣凶跳梁干戈四起樹生其時不爲兵燹所賊亦幸矣
而能自壽其身閱千餘年值我大清

聖聖相承飲和飽德宜其益聰明著靈異也我

皇上任官維賢轄關者皆廉能足以招徠商旅充溢稅
額豈需於樹之神之佑如王君所云者然五行之精皆

能以其靈壽世見於志乘所在多有樹而有知承國家
懷柔百神之德扶上天福善之權非里巷士女希福禱
祠附會淫祀之可比也吾友王春涯觀察轄關六載政
成人和商賈出於其塗以樹之靈享吏民之祀久修祀
如初其宗人簣山督運過揚春涯邀肅與翰林前輩錢
次軒先生同集署中酒畢憩於樹下張之以詩

永和銀杏何嶙峋祖幹已槁孫枝新千三百年蔽雲日異物精
氣由鴻鈞樹下立祠奉香火五行之精奇而真在晉永和晉綱
弛五陵未復憂風塵偶有戰爭不到處轉運木石疲萬輪樹生
其時殊不辰幸哉乃不摧爲薪固知造物秘鍾毓護惜良材人
物均得入聖朝加膏百七十六載太平歲月滋輪囷廉吏裕國

用仁術舳舻四集商旅臻生財豈恃靈物佑爲政隨俗調吾民
王君儒者戒淫祀有舉不廢禮可因同來樹下觀直幹作歌非
爲迎送神中和樂職之詩爲君賦夙有甘棠千古陳

席中卽事

西風叢綠辭羣木西山妝淨如新沐出郭看山風攪人下簾高

閣飲霜菊飛埃紅霧久填膺賴有宵霖拂塵服

前一夕雨

浮蹤萍梗

語江湖且向天涯慰單獨未谷才名五十年老與詩壇作頗牧

千鍾鯨吻如川奔羅胸更富珠千斛詞林丈人推吾宗

穀人雅先生

懷蘭玉同鏘郁青眼風塵老更明噓人溫語如春燠宗氏門才

章杜間

新三竹林

金昆道美誇臣叔金石摩挲足古文畫意詩情都

可讀張郎三十雄萬夫

船山太史

下筆精奇奪耆宿侍御平生一死

交酒酣悼逝歌當哭

時誦哭錢南園侍御詩

論詩拉雜收蕭蘭心中自具

眞雞鶩與君指授同韓門籍湜高才愧追逐惟有家貧頗似君
薄衣同倚天寒竹又況名卑自比疏轉喉觸諱遭羣譴悲來氣
短語先暗歌聲難答漸離筑豈有芳菲能笑人秋花正好吾頭
秃陳郎病起屢招邀勸我莫負新鶩熟鳳鵠從來一處難雌雄
何必分飛伏感君意氣眞吾徒喜君花竹成幽築坐久霜威壓
短帷明月到門清在掬卻恨驪歌迫去程題襟未罷雙眉蹙羈
旅良會復何時寫眞共入生綃幅

芝山於詰旦南去卽席作圖以識良會

得附諸

公我亦傳名山便作千秋祝今宵爛醉愁城開來朝籬下巾重

漉

題葉雲谷柳波送別圖

甫憶來時颿又策歸程馬不夢綠楊汀止夢白雲舍

雲谷將暫歸省親

我別江南已七年夜涼歸夢入秋煙丁姑祠外停舟處也有垂

楊有水田

丁姑見搜神記吾鄉人有祠

金亞伯孝廉脩其九世族祖明僉事對峯公墓徵詩

一坏高若靈光歸中有毅骨全而歸若敖雖餒名巍巍狂瀾能

挽况治河才長宦短如天何不登權門甘蹉跎聞奴家奴園足

訶吾鄉直臣名亦著同宗同官同逢怒

鄉先生金僉都光辰以彈宜興禍幾不測有傳

在明子孫科第方聯步身後豐嗇亦有數吁嗟孝廉今古人斷

碑霜慄芳草春地下人能批逆鱗豺狼狐狸居敢隣

闕題

西州淚盡道阻修此閒復從公子游鄂不花好老槐綠羣從才

具非君儔詩壇白戰遇叔弼風流如接廬陵歐中朝外臺並雀
起取拾高爵無遺籌盛年需次驥奮耳胸中豪氣回萬牛太行
山色閱今古通塞偶爾徒悠悠况君已試澤物手輿謳足信虛
聲羞出示此圖慰山仰憶我休息依南樛微名卅載倚師友馬
融盧植同山邱壽人壽世在吾子真道不許傖楚偷聖人持世
尚良吏人才鏡照分蘭猶君無笑我友猿鹿歧路鷺鳴聲可求
七年秉節前矩在家聲克繼民有鳩中和樂職我能賦他年重
認鴻爪留

醉翁亭訪歐梅

七百年來翁不到門生空傳醉翁操泉冷山空亭翼然客至寒
林亂禽噪似說梅花曾識翁花開彷彿翁顏紅好花怕與俗人

見虬枝埋雪深巖中翁像已拜先皇筆太守風流傳未佚坡翁
水月翁山林真賞千秋呼欲出我來訪翁先訪碑碑高字剝莓
苔滋洗碑忽與老梅見癯仙大笑來何遲翁靈在天文燭地翁
象在滁老梅侍山中萬樹豈無香獨愛此株翁手植酌泉酌翁
兼酌梅訪梅原爲訪翁來生人安得如梅壽一曲梅花落月催
文信國公綠端蟬腹硯歌爲賓谷先生作

硯修廣三寸餘受墨處微凹底圓而凸象蟬腹沿左邊
至頂刻謝皋羽銘其文曰文山攀髯之明年疊山流寓
臨安得遺硯焉憶當日與文山象戲譜玉蕘金鼎一局
石君同在座右銘曰洮河石碧於血千年不死萑宏骨
欸識皋羽二字行書極瘦逸此硯舊爲隨園所藏今贈

寶谷先生屬同人賦詩紀事因題七古一首

北都忠魂招不來故人大哭嚴陵臺哭罷茫茫何處走方鳳吳

齊思而外非吾友鳳凰山下逢石君地老天荒重握手石君直是

周蓑宏正氣歌中曾書名隔千百年血同碧鐵骨不死懷平生

寶祐丙辰名第一殿上初濡狀元筆勤王草檄何淋漓三寸石

腹奇氣出一從見賊單騎行流離徇國身家輕零丁洋中誓死

語石友隔面如聞聲四鎮不益九鼎徒一局象戲如昨耳從公

尙有玉帶生識我無如晞髮子晞髮手揮竹如意如意擊石石

都碎惟有石君身獨完留與遺民銘奇字趙家乾淨土良難石

君何時從屈原鼎湖深深丁甲守眞精不許蛟龍吞曾公作詩

袁公簡齋記兄筆稱此不朽事石君石君從此傳西臺石友應

先生

收淚

秦夫人良玉錦袍歌爲蔣師退題

十五家賊將亡明虎視全蜀誰敢撓忽然白桿一隊出手刃一
虎非官兵當時將軍真羞死殺賊立功恃女子功奇良錦不能
傷錦袍詔賜軍聲喜夫人本是神仙人能謀能戰兼能文弄筆
一似書生耳威令乃能行三軍三軍齊識程不識刁斗森嚴心
感德君恩一領重如山妾製軍衣千五百平臺召對聲琅琅天
翰巍煥宮衣香只惜同時尙方劍君王手付楊嗣昌十三隘不
聽我守妾本邊庭一孱婦全家剩此未亡人賜衣猶在何敢負
有從賊者族其人閉門死報先皇恩山河已改錦袍舊二百年
與精靈存子孫弄藏珍什襲天意亡明事不集應羨熙朝楊士

司花翎拜寵邊功立

題顧閔中畫韓熙載夜宴圖

美人滿堂沓珠屣蘭膏輝輝聞墮珥臣不飲酒呼臣狂臣圍自
汙臣老矣輕格紗帽製作新有時卻著敝衣履故家用到諛墓
金更乞官錢買官妓香霧朦朧自在窗曲房五更人未起殿上
滅燭事不問侍郎狎客無責爾張禹門生到後堂舒雅何如宋
玉美畫師承旨寫行樂明日示臣頽不泚遣妾暫學白太傅近
婦誰憐魏公子往者臣請圖中原先皇宴安如充耳惜哉兩京
竟不復臣像不畫麟閣裏不然臣從功臣後午不舉樂煩中使
丹青千古說風流臣非樂生臣憂死死幸青山傍謝安絲竹陶
寫真知已一自降幡出石頭江山風月東流水君王寂寞夢貪

歡憑誰寫入澄心紙

吳越忠懿王金塗塔歌爲朱石君師作

人天妙相燦金碧浮屠插天幾十百忽然几案生光明莊嚴湧
現不盈尺吳越之富甲天下豪傑討叛捲若席煮鹽鑄銅火池
燭三世四王手承澤佛子度世忠懿王丈六金身夢未隔象犀
珠玉百不愛愛捧纓絡飾帝釋當時佛盛金尙賤八萬四千遍
塗液我佛大旨貴忠孝維王相時知順逆鯨鯢免封歸眞龍上
俾列廟拜賜額下倚法力廣慈悲一十四州脫金革不然五代
爭伎佛鐵象石幢厭充斥無人着手爲摩挲空付雨淋赤日炙
本朝好古王士麟朱彝尊周質未見全塔虛珍惜吾師考古辨時代
銖稱寸度書之冊憨山所見是此不要之語遜經生核小子未

敢著一字稽首皈依驚駒隙去年夏雨耕荷田瓣香虛館供朝

夕

辛亥夏陳岸亭明府館肅留春
小舫中塔供齋案頭十餘日

茲來重禮金蓮臺倏忽春風

生紫陌人生難得不壞身六如幻影雙丸擲一衣一鉢一燈傳

願附公詩壽金石

韓城太傅致仕後留都下召見養心殿特命扶杖入宮門

南厓師相有詩紀之命門下士同作

聖人重道恩禮崇相公拜寵明光宮屢章請退久乃許先帝命
汝匡朕躬昌辰大節在忠孝儀鳳千仞非冥鴻特許攜杖登馭
娑兩足未蹇雙頤豐曉霜在地慎踐履千門向曙光隆隆臣歸
此景縈夢寐魏闕詎隔嶠與潼西南捷至四海又願偕父老歌
皇風同朝執友兩國老白頭唱和詩能工驛程禿柳正寒色西

山晴雪仍留公看門拄笏請早起時有大政厯臣衷

題禮烈親王克勒馬圖

禮烈親王太祖第二子開國時以親賢立功最偉事具
國史克勒者華言棗騮也從王軍中久王薨馬不食死
王之孫屬張檢討問陶爲圖余題七言一首時嘉慶六
年辛酉七月也

真人應天起遼陽天馬瑞聖歸天潢一統一百八十載紙上天
骨猶軒昂薩爾許戰如牧野明二十萬非無馬龍種騎龍天上
來龍馬一嘶萬羣啞禮王養馬如養士馬亦感知其生死張君
畫馬如畫人肥瘦遺貌存其神讀畫作詩賦同澤西南萬騎方
于役蹴踏圖忘豢養恩肯使城中留一賊

題桓伊吹笛圖

對客驢鳴鸛鵒舞君好我技不我侮青溪船卽剡溪船船中之
客非傖父柯亭斷竹材最良中郎化後歸野王自賞笛材奏高
曲此時眼底無王郎殿中承命曾一弄放笛歌箏帝容動三調
無人喚奈何車騎深情誰伯仲邂逅胡床曲易終誰知放率抱
孤忠西藩落日人琴慟更上軍裝報九重

題沈小如觀察

長春

章武拯溺圖

水村夜聞啼聲悲

水將至前三夕村中聞鬼聲甚悲津門人爲余言

鬼哭未已人哭隨

城中郭外哭相應水聲漸大人聲微海水河水協爲虐萬家聲
咽河伯嬉吏民倉皇官鎮靜登城請與河相持官止一身仁術
百嗟爾河伯何能爲遍諭負郭民疾向城中移急塞西北門河

海不敢窺塞城城中不知水城外浮沈皆赤子官曰勿憂吾救

爾近城一一縋之起遠者數里十數里大呼最能劉須溪杜詩注最能水手

名聽吾使能活吾民吾賞之小舟逆流去如矢迎流援手不知

幾別有蒼生生待死攀枝或如驚猿升登屋暫作飢鳥止三日

不食水不已斯時性命呼吸耳舟子感官仁亦知憐鄉隣急流

顛簸不敢退拯之不肯遺一人一舟載歸人數十百舟千人日

來集可憐身在已無家晝暝無陰夜露溼那知高阜已成村席

舍萬間爲汝楫舟中誰家婦與兒婦餒不怨兒啼飢相賀相撫

啼不止餅香一縷甘於糜沿流給餅舟居飽轉羨城中饘粥好

四城煮粥官親臨炊粥不熟官大惱老者病者力不支少壯丐

粥歸相遺盈筐餽飢早分送好官慮周人未知民不識官與官

暱但見泥中來日日日再食與民同衣垢履穿指揮疾一朝
知是宰官身萬口青天萬聲佛大吏入告天恩隆散財給粟民
氣豐使君手延數萬喙奪諸蛟龍之口爲安鴻我睹此圖心爲
酸作詩請告防河官疏濫決壅法不講狂瀾驟至何能闌又告
親民吏毋以殘喘恃恩意古賢救荒尙便宜民命難延官易棄
君不見此圖之幅才五尺中有四五萬人啣恩泣

嘉慶四年琉球國嗣子請封明年李墨莊中翰副趙介山
殿撰奉使其地肅爲文張之中翰歸報以琉球紙二種
瓦杯一具翼日以杯飲之且侑以詩

天書東下封琉球詞臣暫作滄溟遊蓬萊山下昔停泊虛無金
闕重軒眸扶桑浴影報晴霽霽然大霧迷水郵海神狡獪試詩

膽天吳打鼓馮夷謳日高霧淨見羣蟻小慙聚哨排戈矛先生
忠信一夷險波濤盜賊誰能仇去來迅速古未有歸裝如葉隨
雲浮紀遊奇句已萬紙抄書爲我銀箋留黃蠶一具繪金碧珍
物愧爲蕪詞酬八街潦滅天方秋水蒨嬌艷疏篁修軟脚筵設
巨杯出酒邊龍氣仍蟠膠古窯汝定吾自有此器曾酈東瀛流
賦海之手吸江口可使酒甕閒床頭鑿鑿曙鼓鳴城樓我歌未
已君肯休想君醺酒重洋舟橫視八表如一漚習坎不審賀此
甌君能再浮三白不

與劔潭同事閩中限於例不得見月下露坐對牆外諸山
樂聲方作用坡翁催試官詩韻寄懷坡詩中有劔潭字
卽以戲之

青山如美人月下倍皎好青山乘夜排闥來偏是美人隔三島
桂海遙聽仙樂鳴劒潭未共秋河老君貌太文弱君才今代無
長安裘馬半年少詩律誰能雄千夫卅年登壇厯強敵縛雞無
力龍能屠南來抵足意可必兩旬良會猶難得人生流光如電
燭從君願化雙黃鵠

再用東坡試院煎茶韻謝菊溪前輩饋荔支酒

蘋珠夏熟宜

食生我來偏及寒蟬鳴摘鮮釀酒慰涎口天涯失

笑尊鱸輕

東坡食荔支詩我生涉世半爲口一官久已輕尊鱸

閉門珍品坐得二得果兼得酒也

香浸豐肌餘露意逍遙三榼蠲煩煎枯腸詩思如湧泉問種何
須辨嶺蜀且對奇文飲紅玉獨有故人不見使我心調飢門外
青山空列眉眼前萬笏不得共臨眺何時淮東有田一簞一笠

長相隨粵西安靖豐稔今樂國願君努力從長澤物酬昌時

題瞿花農洞庭泛月圖卽送其之官杭州

前年盛夏南行過岳州與客同登洞庭湖上樓老僧告我夏旱
水落七八尺波瀾仍載穹窿浮是時征車方苦喝水氣動盪不
覺乾坤秋故人酌酒三升壯我膽勸我搖筆凌滄洲目炫腕弱
唼復罷小言恐爲湘娥羞別來夢中屢飛度巨珠如月明當頭
軟紅塵中一放眼跳身又指巴陵遊王郎胸無九江水安能萬
千氣象一筆排空收圖爲王蓬心太守作瑯琊一家兩巨手圖中有王夢樓先生題長
句此畫此詩直與洞庭波撼真宰愁君山不割亦渺小東南吳
楚真一噉嗟哉宇宙已隘日月短神蹟僅與山川留江淮耆舊
竟坐化後來唼者小鳥徒啁啾瞿君手抱此卷日與故人處聞

我悼往悲浮休與君此別非少壯逝者如斯莫負黃金甌楚水
不肯西北流璧月已挂珊瑚鉤縱有文章千古不寂寞可使盛
年昏旦如槿游西湖雖小水月好百年富貴波中漚與人憂樂
不易易不如湖山佳處恣冥搜作者往矣此事竟誰屬深杯百
酌吾能酬

題黃山雲海圖

我生觀雲兩奇境一在衡州一歙州我本新安農家流門前黃
海僅再游初從朱先生採風乘軒轡乾隆壬辰大興朱竹君先生
眎學安徽余時從學在
後車同游黃山先生騰身上天柱履險百體如猿猱我無濟勝具躡級
徒夷猶是日天青霽萬象如可一一搜倏忽報雲來萬馬脫羈
不可收湧天鋪絮滿坑谷直與元氣同沈浮同行上下頓相失

叫空何處逢浮邱一步不敢移身如墮巨流驚定忽相賀頃刻

赤日明堂頭又同已中翰

壬子詣會籍里中復同登黃山

冬日入山三宿休一

日黎明入山定夜雨地滑陰霧稠霧中入雲不可測是雲是海
端倪恍恍無從求昔見晴雲五色空絢爛今見陰雲處處黑魅
驂白虬滑地仄徑膽碎盡漸聞雞聲吾有鳩入村驚魂得小定
耳邊風響仍颼颼雲力似較風力大風驅不動雲吐方油油奇
觀一別如夢幻日月駛逝道阻脩平生海潮亦數聆衡山觀雲
奇狀侔朱已二君竟千古天壤甚大隻影餘閒鷗道山師友棄
我去頽然此身存如疣丹青忽然舊游遇與君選勝非權謀他
日故山忽相值山靈笑我先白頭

麓泉爲說平話之陳蘭舟索詩走筆贈之

史陳工誦三代有張皇古事不絕口漢優唐伶亦解事險語參
錯抵獻否平話傳者柳敬亭生逢南朝厄運丁來往軍中行險
說風月影裏刀血腥陳生生當太平世早遊揚州繁盛地廿二
朝史誰耐看借爾口中知古事悲歡離合何紛紛往事如水如
流雲喜爾填胸乃有筆動盪儻侃如行文使人悲喜時時生笑
作危筆人皆驚遊戲三昧妙至此脣鼓舌戰談鋒錚一事岌岌
問凶吉四坐無言待詞畢驚風驟雨啞然停振衣起請俟他日
昨夜未闌忽中止使我思之夜三起文無死法有生機作勢弄
巧皆妙旨世人觀劇徒登場無人識曲良可傷以汝絕技難自
飽我亦傭筆頭如霜况伊大戶能一斗壘塊同澆思用酒酒酣
舞劒嗟已頽爲汝作詩同不朽

題封薇垣小照

六經燭天成故紙賴有經生作知己羣兒游談束不觀蠹魚仙
去暗冷齒君也弱齡文譽美少業詩書老不徙四十明經舉孝
廉航書自謂忘通否手檢一編語才子吾生少賤家如水忍飢
誦經達朝昏如何飽食拋文史魯壁一鳴絲竹已陋巷金石振
羣耳春草如天綠掩門叩關問字無庸士咄哉班生言太鄙乃
謂儒爲利祿使多君學成不干祿公車中道思鄉里東風我欲
呼君起請持所業獻天子經術活人年不饑毋使鄉人憂貴米
分龍行家穀人先生命作

一月不雨一雨渥龍公夜起雲將屬曉來三輔萬聲歡燭龍翔
影茅龍伏午陰隱隱聞輕雷墨雲再合吹不開雲中恁恹意何

物似有靈氣時往來須與四面金光徹照見虬螭各成列八龍
分向八方行天恐膏流有盈缺天公分職誰能知農家但記分
龍時分龍分畛龍有司龍職不曠恩不私龍分龍合真倏忽龍
力充周天下足已聞膏黍遍青徐又報洗兵到秦蜀龍公功大
天不尸天錄龍功帝代之瓣香玉泉爲民報鴻名增錫懸崇祠
詞林丈人今霖雨命我作歌我先舞聖人首出甘澍時圍有伏
龍起待虎

題趙大年江鄉消夏圖

湖山一別我塵土炙手名場況夏五忽從冀北見江南眼底暑
消非積雨江南五月草閣涼採蓮歌起薰風香披襟虛館詎仙
迹羈人此味如瓊漿寒水之玉陰崖雪不與人間追炎熱畫師

辛苦移滄洲挂壁長安亦清絕家藏王維圖雪山

大年所藏欲以易薛紹彭

智永千字文者也

王孫日對千峰寒聰明冰雪意思閒林亭脫手囂塵

刪雲峯水簾固多態處處清虛通地肺山環樹櫛屋如鱗八面
風來仍不礙丹青林壑春復秋七百年來誰釣遊買田買夏兩
有願風來無恙何時酬坐中十九皆吳越卻向圖中惜花月但
聞蕙帳傷離別那見荷衣近朝謁讀畫論詩亦足狂勸君莫負
紫霞觴酒酣夢到清涼界可信江鄉在醉鄉

題襟館種梅同人賦詩各以其姓爲韻

嶺非大庾山非孤此間安得巖壑癯使君清瀉玉壺水移花大
索冰肌膚故山風月結隣舊隔江雲凍青模糊大寒水驛便風
少昨宵吹送春十株官清民暇停力役暫爲花事勞十夫一肩

霜雪百年古山靈能勿愁亡逋繁枝半折意思遠一花未著姿
態殊瘦骨要自具文采苔蘚丹碧周身塗川塗沙土失附麗妙
手位置榮不枯攀枝預喜新月近培根不許寒雲耰舉酒慨花
祝花好那待香動傾百壺五載東閣主吟社風騷大雅親持扶
揚州梅花暗相語何遜之後斯人無兩行十友足今雨世外寒
瘦皆吾徒調羹卽是種花手要使百物東風蘇吾鄉歐梅七百
載在醉翁亭側翁手植春時尙花山農護惜今不渝江右兩公後先映七絃三
弄幽賞俱好花佳話誰作圖我愧道子同姓吳

正月五日汪樓亭先生邀客奎光樓賞雪賦詩用東坡聚
星堂雪詩韻肅以從弟幸喆招飲未與翌日馮鑄川五
雲兩先生以詩見示率步三章仍仿禁體

十年蹤跡如萍葉勞勞遠道嗟雨雪殘臘故鄉亦小住征塵暫

謝詎能絕新春裏糧謀渡江東雲遮柳不可折

周青原丈新自楚歸與蕭約正

月相見於白下以雪阻不果

閉門斛觥撥矮爐冷氣逼壓火易滅暗中老梅

香撲鼻枝高欲攀肘先掣飲以御煖百盞罄醉不識人雙眸纈

朦朧荒逕一使來僕僕滑地意瑣屑持柬邀我衝寒遊遲恐積

霰消眼瞥出門不成嬉勝會歡生憶往呼童說去年正月京江

頭與汝鵲立肢如鐵

去年正月大雪余送葉學士於京江僕馬皆病

郁李花下烹匏葉謝家有弟能咏雪春酒滑我諸昆通坐無雜

賓亦快絕比隣王郎特磊落總角論交我心折

是日諸弟外招惟鶴峙一人

之共作春宵飲酣歌直到明星滅酒半忽憶長者約欲往羣從

相鉗掣斯時初陽映屋脊入戶寒光動簾纈主人更勸圍子石

童子已鋪陶侃屑疾穿滑逕出門去譁然一散風花瞥高樓勝
賞如此不便欲尋君爲我說良朋氣誼各珍重君看磁石交於
鐵

晨起一帚掃階葉安鼎庖鑪烹晴雪須臾長者車到門

初七日
廬邀里

中諸前輩飲兩馮
先生各攜新詩來

示我新詩真叫絕異曲不啻埴簾吹同源各

具方圓折登壇共幸老將在選佛不愁宗門滅愧我小巫乍見
此眼底眩若電光掣舌強未敢繼妙響手生那解製細纈重君
盛招惜未與伸紙長言忘瑣屑遲遲冰硯呵不化詩成窗外日
西瞥枯腸白戰大不易大疵摘出君請說寒窗拉雜聚詩料但
有惡鐵無良鐵

西蜀李心泉先生宰吾邑數月清節嶄然頌聲大作竊竊

擬今之爲廉吏者不受作孽錢輒負氣任性不畏人言
傷人實多其爲儒吏者終日語言文字許與氣類或可
逃庠塾清議而於一切興利除害之事一槩不問民間
亦安賴此介介自守逃官謗遇訟獄殃我之父母哉朝
廷又安用此敦詩說禮不知民間疾苦之書生哉先生
昭質無虧素抱克完如玉潔冰晶去官在行館客至以
數十青蚨買市脯爲供而聽訟察事虛心採訪和平中
正吾鄉人悍者不敢欺弱者自信理必得直皆如其意
以去受責者固伏好論文喜下士鄉會試不能成行者
典質贍之而愛民如愛士無畛域故於先生之行同聲
誦德攀臥不止士林也百廢俱舉修北門迎恩樓尤其

著工不知役商賈薦紳不傷財此史所謂循吏而非自
負爲廉吏儒吏者所能彷彿也昔先世父愛棠先生令
無錫有惠政將去時翰林前輩鄒小山先生爲攀轅圖
以誌眷戀今吾鄉人復仿爲之而索余墨其上方乃爲
七言柏梁體一章貽之俾歌以侑祖席之康爵

者齟留君君不留君亦戀我行夷猶達園餞席君樂否鄉人接
踵攀君舟君翁方健洪厓儔君名已成仍黑頭君之在官陰德
稠新舉一子如琳璆他日服德爲公侯君先節鉞歷八州國恩
家慶百祿適此理可券辭非浮干言賀君不得休胡爲聲咽雙
淚流日欲留君君不留君亦戀我行夷猶況且赤子叨誠求耆
齒分請一舉甌君恩如雨膏千疇報以一甌君不尤物薄用重

古不羞此詩附公同千秋

黃孝子歌

名山雲欽人

黃孝子少小多病幾不起有父宦蜀中相去八千里兒病母劬
勞扶將恃天只恃母而忘父兒生不如死泣請於母兒行矣母
重違其意四鄰亟相止汝在家病來有母倚走八千里將奚恃
病軀不出戶庭瀕危者幾何況千山與萬水山高且危兒視之
如砥水深且危兒能平履兒身父之身此行不可已父官已罷
貧且病天爲延年俾得生見喜父又不年兒圍久轉徙不能生
同歸豈可異鄉委有異母弟才四五齡耳父以託兒兒能唯兒
身父之身弟妹父遺體兒敢膜外視兒不能歸同葬於此兒歸
父骨父之遺體兒能料理爲子事未了爲兄事且始吾欲吾父

目瞋敢棄爾匱側相扶將母昔撫吾勤若是豈曰爲兄事伊始
推燥就濕恩與慈母擬侍匱扶弱辦行李父已不得同生歸母
望眼穿不歸更何俟山高且危兒視之如砥水深且危兒能平
履天憐且試之玉成奇行告千紀蜀江鄱陽湖兩次驚濤撼山
起遺骨安所憑依弱息將葬深淵底孝子號聲高天聽卑數咫
反風靖波馮夷寐魍不敢牙齒同舟人與舟子皆努力舁匱提
弱有若神所使蜀江舟壞一棺安如山鄱陽帆側一息平如几
兒心臨危願不動戒慎恐懼夙所矢眠不解衣席不溫枕肱搔
癢蝨如蟻一朝遠見天柱峯山神招手慈雲喜孝子收淚將換
舟山溪無舟不能駛水深且危吾能平履山高且危吾視之如
砥蜀山之危吾不知家山踐之直如跂扶匱持幼越岌義足戰

不痛棘滿趾蜀中相去八千里三生一死骨容易歸桑梓爲子
事粗了爲兄事方始爲營婚嫁成室家父以託兒兒不虛唯他
日妹得婿兮弟成家泣告於墓額不泚嗚呼誰無親遠游遠宦
曠養者比比誰無我同生眎之如瘡痍不知天彝真無良不畏
清議真無恥忍聽我歌黃孝子且聽我歌黃孝子

題南樂訓練圖

誰云殺賊非書生請聽我歌南樂行南樂行爲伍君作伍君作
令仁且清仁術清德已眾母才兼文武真長城國家一百八十
載休養億兆歌儀庾地大物博良莠雜甘居化外潛滋萌皇猷
戴武三省戢餘孽不靖煩天兵癸酉之秋豫匪起鉅鹿當衝城
久傾伍君蒞任未匝月倉皇夜聞猿鶴聲伏莽伺釁暗相語駭

走者艾啼孩嬰伍君戶喻道無恐手持衽席登其氓好官不識
金銀氣兩世處腴並廉吏下車垂橐且傾囊囊無一錢唯有智
羅掘私財募死士得勇夫百身自帥旄頭未落寒月明官來夜
巡人不寐不寐聞聲時復譁知是城中匿非類渠魁訪獲獻上
官分別馘斬羣膽寒魍魅避盡老稚集土城不築人平安百姓
平安一官瘠晝練隊伍宵枕干厯百餘日如一日官自憂色民
騰歡將軍那公師釋堂將門子平賊中州鼓聲喜九重方誇子弟
兵羣生重慶仁和里唐人雜錄開天盛時民居安樂井卽熙至名其居有仁和中里樂利里等名
賊平四境皆登春鼓鉦響寂農歌新官卑不得繪麟閣年豐那
用圖流民痛定思痛誌苦辛丹青寫狀示後人俾知官民貴一
體練武仍以民衛民伍君已去南樂久當年父老今仍有能說

清官堵禦方驚魂昔倚仁人手仁人縛雞力亦無亦無陣法與
兵書自將忠愛誓胸臆激厲民士相將扶誓同仇澤詩初賦坐
望旌旗色已殊不練之旅可一戰不完之城如堅郛四海太平
守土樂請念艱危讀此圖

孫善慶校字
外孫薛葆楨

吳學士詩集卷三

番禺梁肇煌檀圃編訂

五律

平湖秋泛夜歸偶成

水鄉隨處好秋事倍清華涼雨收菱實西風落豆花句留逢月色浩蕩亦吾家醉劇歸來晚浮游似海楂

春晚獨居

不知世閒事門徑掩東風蛛網一花白鶯嚙滿地紅林泉能佚我歲月易成翁猶有少年興酒情時一中

秋雨獨居感前事作

微雨能辭客山園秋已闌菱荷頽作別城郭遠生寒酒待孤吟

吳學士詩集

卷主

劇書摩倦眼看寂寥求寡過漸悟入時難

焦山次稚存韻

遠翠不可捉半帆風到山游人爭塞徑老衲未開關捫石學猱
附穿林逢鳥還江聲過午定靜聽一泉潺

參寥閣再次稚存韻

鐘聲千萬杵一一打潮頭水石詎逢怒風林偏作愁波明江不
夜天迥閣先秋前輩詩才健當時已倦游

題梁星子陵茗精舍讀書圖

同是西湖樹名山歲月深席豐君子澤蔭暍大臣心客至譽嘉
樹詩成坐故陰祠堂喬木近不許斧斤侵

封殖陳詩敬楹書此並存丹黃先賜本雨露長君恩觀國才名

大星子早游關門著述尊樹人先德遠芝玉見諸昆

京國有聲

初冬客館

寒色斷人迹北風初叩關秋隨歸雁遠客似落帆閒覓食雞呼伴辭柯葉戀山著書愁急景雙鬢況先斑

題盧葵生古榆書屋圖

平泉木石盡何況隱君家天上星仍映春來樹又花移居書籍在讀書夕陽斜俾我不終卷方因歎逝嗟

圖中題跋諸公半歸道山

壽尤水村八十

門外江淮水滔滔晝夜成星孤尊處士雲幻賤浮名迹似殘僧定身如病鶴輕八區交易滿兄事獨心傾

憶侍官衙宴名從未座通詠觴前事在

鼎年十三識水村於邑侯凱龍川師座上時侍

先大夫汪存南師馮五筠先生又貴仕隱古歡同弱植留孤露
州劉進士某同集今惟水村健在

高臺送去風靈光存已歸可負碧荷筒

寂寞梁溪後詩孫乃替人林泉吟興遠風月歲華新破屋文爲

富名山迹未陳

水村履迹徧名山游草甚富

丹青止餘事奇氣亦輪囷

閱世增談助匡扶願竟虛親藩貽酒價

禮邸致金爲壽

詩老訪幽居

日

家祭酒避地人如古觀河面似初

水村居

聰明天與固恐有未

成書

贈汪艾塘時余有邗上之行

握手非年少勞蹤愛里門可憐奇氣盡復此古交論俗改存經
塾交疏減酒尊無親兄弟少掇過倚君言

詞術源流在登壇各是非不求兒輩慧深恐道心微授學人千

古酬知淚一揮玉堂期許早遲暮負傳衣

蕭年二十有一從君家尊學爲進御之文

卽以傳世相許

詩社成陳迹

咸里中金棕亭馮五筠兩先生及吾家少岑南山兩兄江沁梅王鶴嶼俞小岑諸君之逝

恩門

繫遠愁

蕭與君皆受知於朱文正公自習之僕少歸道山臨初觀察需次江南賜第已賃於他人矣

微名推

輓劇佳話咏觴休況有駒千里先同貉一邱

謂汪孝廉賁江茂才天閑亦早化

名山期後死爲善敢夷猶

繫馬從君話登堂見兩楹各藏修史筆相應讀書聲嘉樹人爭

譽山居賦未成

君諸郎皆慧而買山之志未遂

連宵過牆酒餞別又留行

題雪齋和尚尋梅招鶴圖

何人煙外語一徑足孤行梅鶴正無侶江山如有情衝寒衣作
態破寂屐傳聲自理詩千首前溪月未生

冬日卽事

一雪代謝客數禽方語寒苦吟憐歲晚獨立覺衣寬酒及脩閑
醞花從寂寞看忽驚身在外人事易闌珊

客揚州飲周

炎席上卽送其入都

春雨長安道相逢憶下車自憐游跡改未與故人疏玉版穿林
筍銀鱗上市魚離筵風物美把酒只愁余

西北浮雲起歡聲接雨聲辭家良不易占歲重關情昨者河頻
決多方穀未成憐君出門意所至有蒼生

從軍空士氣

出都時有薦君入楚者

索米又君門去住非初願升沈總國

恩金臺游跡在槐市素心論努力年華健經生遇合存

行處風光好傳來露布新

皇輿仍正直吾道自遭迤定有金華客來詢草澤人爲言牢落
久豪氣未磨磷

雨中泊浯溪登山訪湯叟亭臺遺址讀摩巖碑禮顏公祠

勝絕湘江路浯溪一徑分輕舟來坐雨亂石冷於雲谷掩居人

宅田侵宰相墳

祁陽相國陳大受墓在焉

山僧偏好古能讀世閒文

大業皆陳迹高崖碑易沈憂時方作誦論世貴知心高寄無朝
野奇觀自古今漫歌招隱句忠孝數公任

木石非遺構居然野趣存雨多苔掩徑秋淺樹遮門仙迹誰能

踐賢關尚可捫年年湘水碧過客薦窪樽

仙鳥窪尊皆山中古迹

吾豈尋幽至巖泉賞不慳山仍屬前哲石已照衰顏

山有鏡石城郭

五里近琴書一晌閒去舟誰慰藉面面九疑山

雨後泛舟

數雨秋將老，斜陽地更偏。
霞光猶借日，水氣欲成煙。
事去知閒味，寒來警暮年。
歸鴉應笑客，泛宅太流連。

出都過壽張見桃花

桃花無意緒，開處傍紅塵。
竟少三篙水，誰攜一甕春。
游蜂知信晚，灌莽雜枝新。
欲問何人植，東風迹易陳。

揚州寓館甫定

羈旅浮家慣，飄零得氣寒。
囊琴音自在，篋扇意先閑。
拙喜空巢借，閒貪客夢安。
離家三百里，未許侍蘭餐。

秋初

出郭暑初薄，臨流秋已來。
殘荷無酒對，早菊有人栽。
樹寄荒山

塢湖侵別館臺極邊授衣早深盼逐臣回

傍晚登園中臺

斜陽落不落催我一登臺墜葉秋方劇浮雲晚亦開
杜詩浮雲晚不開

與銘粲和尚話舊

十二年前酒吟秋各百杯力能龍象護
時新葺佛院 髮亦雪霜堆歸客無春夢游蹤感劫灰
謂杏園守亭 荒齋蔬筍足待爾采初梅

題劉臥松習贈劍圖

似子眞豪士斯人非暗投新知在歧路古木正清秋劍易千金值恩難七尺酬防身忠孝在未恃佩吳鉤

吳下重修泰伯墓徵詩

梅里新加樹棠陰舊禁樵支祠依古澤先世父愛棠先生令吳時修祠墓建支祠

聖藻錫

先朝純廟四巡時賜額曰三讓周禮諸生述羣公古義饒虞

山榛莽裏空潔一尊澆戊辰肅館常熟會拜先仲雍墓

東張蓼樓四首時蓼樓復移疾尚留京師

不信車聲裏閒人一面難瞻星嗟濶落對月想高寒南國家都

遠今年雨未闌清明河上作添燭夜分看謂戊戌春途中倡和之作

河水春如矢臨流兩少年青山同感舊謂汪存南師同年葉孝廉皆去世幽草

易生憐家國君無憾風塵髮亦拳況余生事拙五十擁寒氊

歧路秋鴻集中與客書萬山聞賊地百戰借籌餘癸亥於朱習之家見

君軍別久心如接歸成病未除頗聞禪悅進眞養藉空虛

盛世誰高隱憐君引疾心久勞知任重難仕爲恩深烽火當年
夢棠花幾處陰寄言增鄭重身世漫浮沈

喜蘭雪至

天意憐吾輩人言竟不然那知相見始直比再生年

先時有傳君死耗者

會少疑多積才難愛易偏賞心欲無語秉燭認華顛

知已天涯在悲歌本不情雲山殊跌宕風雪又縱橫樹立憂時
晚浮游望賊平與君皆有母未敢去來輕

寄贈方有堂觀察積

籌筆青天上軍中掉臂行賊猶畏廉吏兵亦愛書生險阻奇才
出功名早歲成明經科本貴同舉擅英聲

余丁酉同舉如溫方伯承惠劉廉使清姚

觀察令儀嚴觀察士鉉皆有武功

聞說旌門迥江山足浩歌未嫌秦月冷只覺禹功多籌餉難如此評茶味若何羽書眞旁午曾不廢吟哦

然諾平生重交游萬里歸關河憐馬倦烽火念烏飛

蔣中表朱青橋君業

師子也謁君於軍中君以賊未平留之三年

任劇賓仍禮長貧士不饑岐途爲拂拭

親解戰場衣

寒雨迷蕭寺尋僧共一單厚期愁髮短陳迹憶燈殘文字酬知晚風塵閱世寬侍中來述職快語話長安

送胡遜之任蔚州

黃塵兼赤日新雨送之官詩思千山遠離情十日寬

胡久當引見去爲吏

格留十餘日

蓮高初得水菱熟已登舂莫厭金樽勸邊州此會難

積水潭邊路前朝宰相居墓田親丈得祠樹已尋餘古蹟觀爲

政良辰屢命車他時高會啟爲爾一尊虛

法時帆學士修明李文正祠胡方令大興

爲清釐墓道添種松柏文正生日與諸文士集祠堂

三輔稱難治吾家宦跡存送君逢故老對客誦清門

先叔祖澹庵公令豐

潤世父翼川公令良鄉大興刺道化皆有善政至今人道之

遺直誰能沫輕徭那易言爲于

應早賦推廣屬車恩

眼底浮雲幻尊前朔氣清論交誇帝里作障到長城蝦菜同鄉味關河壯去程浮沈金馬客攜手若爲情

游鄭邱山林

初識名園路秋光導我行亭虛含石氣徑遙遠車聲花竹歡相得江湖興忽生流泉何處發噴瀑已縱橫

躡級垂清霽高樓三面開竹陰先客到山色與詩來挂壁驚雲

物臨池想筆才青霄肯將去斜日更徘徊

愜意朝參嬾追歡勢分忘劇談逢酒熱禮射稱弓良坐可苔痕
溼行知菊信涼無人譏落帽坐上許清狂

客說盤山勝相邀蠟屐行胸中千仞在眼底萬端輕好景吾生
負秋容此地清他時邱壑置有夢與將迎

送穆興齋藩浙

無計留春住春行君亦行慰心剛麥熟觀物與槐清德意三吳
洽恩光九陌晴東南民事悉奏上慰

皇情

北闕榮三接西湖迂八驕習勤疏眺覽

君在吳爲政最勤按日
理事嘗云負此好山水

不得一游問苦採歌謳更有名言勒能忘舊愛留朝歸重過此憑式

定夷猶

舊部逢今兩名山聚德星寓公皆樂道節使並通經心爲匡時
熱眸因好士青阿蒙如辱問蒲柳愧先零

友人以千木盒帖索跋且以一本見贈

臨池多古誼此帙不虛編

書家多忠臣孝子所
書皆有關名教語

謂我知言者先

爲見面緣無城求趙璧得寶傲番船今代誰同好清貧有伯淵

淵如方刻漢華山
碑及唐隸數種

年家子杜喆以其六世祖明方伯公像屬題

湖海賊殲盡清官又將才民艱能直達國步竟難回隔世瞻遺

像承家亦黨魁不須譚位業至行挾風雷

題者多呼眞君
故七句及之

秋日湖上居

旅迹速人事成吾汗漫游栖栖人似雁泛泛屋如舟薜荔緣城下菰蒲拍渚秋偶逢問津者何處是滄洲

初夏途中卽事

梅子半搖落荷錢時動搖流光將五月微雨又三朝水淺農方劇泥多馬不驕溫風綿強着白髮已蕭蕭

中秋同珊青作

明月忽在手秋心相與論水鄉盡虛白桂候正餘溫佳節人忘夜今年酒滿尊與君並羈旅猶喜在江村

晏生將歸倚裝作畫爲別題五言二首

疾掃易成趣疏林秋可觀畫情何澹泊人意本高寒松怪偏隣屋雲遙不去轡平生邱壑想留與索居看

買此良非易曠然青四圍山開樵徑出廟老客蹤稀宦迹驚黃
葉鄉心赴翠微不知斜照裏幾處倦禽飛

寒店

那怪衾裯薄非徒面目塵壁燈欺瘦影樞馬惜勞身杯炙都無
擇奴廝倍覺親未明催上道嫌殺掌亭人

外孫善慶薛懌校字